



## Terenga 4: Hōtaka 44 - Me pēhea...

### He Mihi

E te mātinitini, e te nuipuku, tēnā anō tātou i roto i tā tātou kaupapa nāna tātou i whakahuihui i te rā nei. Ko te reo te iho, ko ia te uho o te hōtaka o Ako, ko ia anō hoki te aho e rangitāmiro nei i ngā manako o onamata ki ngā manako o nāianei.

### Hei Mahi Whakarongo

E mihi ana ki te kura o Ngā Taiātea me te kaitito o tēnei waiata, me Te Manukawekī Mātenga, mō rātou i whakaae kia pāhotia e mātou tā rātou waiata-ā-ringa. Anei ngā pātai hei whakautu mā koutou:

- 1) E waiatahia ana tēnei waiata ki a wai?
- 2) He aha te matū o te waiata?
- 3) He aha te whāinga o te rautaki?

### He Whakamārama

Anei te pātai a Ngā Taiātea ki te Minita o te Mātauranga:

#### Me pēhea rā mātou e hiakai ai ki te mātauranga?

E toru ngā huarahi hei hanga i te pātai e aro ana ki te huarahi me whai e tutuki ai tētehi mahi.

- 1) Me pēhea...e...ai?
- 2) Me pēhea te + tūmahi...?
- 3) Me pēhea + tūpou rirohanga + tūmahi...?

He tauira:

#### Me pēhea au e mōhio ai ki a koe?

Me kimi i te wahine mau poraka māwhero.

#### Me pēhea te whakakā i te mīhini nei?

Me pēhi i te pātene kei te taha mauī.

#### Me pēhea tā tāua whakatika i te raru nei?

Kaua mā te waewae tūtuki, engari mā te upoko pakaru.

### Hei Mahi

#### Whakaotihia ngā rerenga.

1. Me pēhea te reo...
2. Me pēhea au e...
3. Me pēhea tā tātou e...

#### Whakautu:

1. Me pēhea te reo e ora ai, ki te kore tātou e kōrero?
2. Me pēhea au e tae atu ai ki tō whare?
3. Me pēhea tā tātou kahi pūtea mō te haerenga?